



REPUBLIKA E SHQIPËRISË
BASHKIA ROSKOVEC
KËSHILLI BASHKIAK

Nr. 1823 Prot.

Roskovec, më 01.03 2022

VENDIM

NR. 15 DATË 28.02 2022

***“PËR MIRATIMIN E KRITEREVE DHE PROCEDURAVE TË PËRZGJEDHJES
SË ANËTARËVE TË KËSHILLIT VENDOR TË RINISË SI DHE MËNYRËS SË
ORGANIZIMIT DHE FUNKSIONIMIT TË TIJ”***

Në mbështetje të pikes 3 të Ligjit nr.75/2019 “Për Rininë” nenit 54 të Ligjit Nr. 139/2015 “Për Vetqeverisjen Vendore” i ndyshuar; neni 54 gërma k; Ligjit Nr.8548 datë 11.11.1999 ” për ratifikimin e "Kartës Europiane të autonomisë vendore ” Strategjia Kombëtare për Barazinë Gjinore (SKBGJ) 2016-2020; Rezolutën CM/Res (2020) 2 mbi strategjinë e sektorit të rinjve të Këshillit të Evropës 2030; Rezolutën CM/Res (2008) 23 mbi politikën rinore të Këshillit të Evropës; Bashkimi Evropian, Strategjia e Rinisë e BE-së (2019-2027); Forumi Evropian i Rinisë, " Një Udhëzues për Standardet e Cilësisë të Politikave Rinore ” 2016, Këshilli i Bashkisë,

VENDOSI :

1. Miratimin e kriterëve dhe të procedurave të përzgjedhjes së anëtarëve të Këshillit Vendor të Rinisë (këtu e në vijim referuar shkurtimisht si KVR) si edhe të mënyrës së organizimit dhe funksionimit të tij, sipas procedurës bashkëlidhur.
2. Ngarkohet për zbatimin e këtij vendimi Drejtoria e Shërbimit social, Koordinimit me BE-në dhe Projekteve sociale, sektori i Menaxhimit të Projekteve sociale dhe Koordinimit me BE-në, Bashkia Roskovec .
3. Ky vendim hyn në fuqi 10 ditë pas shpalljes.





REPUBLIKA E SHQIPËRISË
BASHKIA ROSKOVEC
DREJTORIA E SHËRBIMIT SOCIAL, KOORDINIMIT ME BE-NË DHE
PROJEKTEVE SOCIALE

Procedura, kriteret dhe mënyra e funksionimit të Këshillit Vendor të Rinisë (KVR)

- 2- KVR udhëhiqet nga parimet e gjithëpranuara të ushtrimit të detyrave në përbushje të interesit publik dhe në veçanti nga parimi i ligjshmërisë, transparencës, mosdiskriminimit, përgjegjshmërisë dhe objektivitetit.
- 3- KVR përbëhet nga 4 (katër) deri në 6 (gjashtë) anëtarë, ku të respektohet parimi i barazisë gjinore.
4. KVR do të ketë në përbërje:
 - a) Kryetari i Bashkisë, kryetar;
 - b) Përfaqësues i Këshillit Bashkiak ose administratës (sektori i rinisë) së njësisë administrative, anëtar;
 - c) 2 përfaqësues nga organizatat rinore ose organizatat për të rinjtë (anëtarë);
 - d) 2 përfaqësues nga të rinj aktiv të Njësisë Administrative (anëtarë)
5. Anëtarët e KVR emërohen me urdhër të Kryetarit të Bashkisë dhe mandati i tyre është dy vjeçar, me të drejtë riemërimi.
6. Anëtarët e KVR mund të japin dorëheqjen duke njoftuar me shkrim kryetarin. Kryetari mund të vendosë edhe për përjashtimin e ndonjë anëtari në rast të mosparaqitjes në takime për më shumë se 2 herë rradhazi ose në raste të tjera të mospërbushjes së funksioneve. Anëtari zëvendësues plotëson mandatin e anëtarit që zëvendëson.
7. Anëtarët e KVR identifikohen dhe shprehin interesin në bazë të një thirrje për shprehje interesi për të marrë pjesë në KVR, të hartuar e njoftuar nga Kryetari, në faqen zyrtare të institucionit, në mjediset e bashkisë dhe/ose në rrjetet sociale të institucionit.
8. Përzgjedhja mes individëve që kanë shprehur interes nga këshilli bashkiak dhe/ose administrata e njësisë administrative bëhet nga kryetari duke u bazuar në kriterin e përvojës së mëparshme me organizatat jofitimprurëse dhe në projekte që lidhen me të rinjtë.
9. Përzgjedhja mes kandidatëve përfaqësues të organizatave rinore ose për të rinjtë, bëhet nga kryetari dhe bazohet në kriteret e mëposhtme:
 - a) të jetë anëtar i një organizate rinore ose për të rinjtë;
 - b) të mos jetë i dënuar;
 - c) të ketë përvojë në projekte, nisma dhe veprimtari rinore dhe për të rinjtë;
 - d) të mos ketë konflikt interesi për shkak të angazhimit të KVR;



10. Kandidatët për KVR, përfaqësues të organizatave rinore ose për të rinjtë duhet të aplikojnë brenda afatit dhe në adresën e përcaktuar në njoftimin përkatës duke paraqitur dokumentet e mëposhtme:

- a) kërkesë me shkrim ku të shprehë interesin për aplikim;
- b) jetëshkrim;
- c) fotokopje të dokumenteve që mbështesin shënimet e jetëshkrimit;
- d) vërtetim të gjendjes gjyqësore;
- dh) vetëdeklarim lidhur me shmangien e konfliktit të interesave;

e) referenca nga të paktën 2 bashkëpunëtorë të mëparshëm;

11. Kandidatët për KVR, përfaqësues nga të rinj aktiv të Njesisë Administrative duhet të përmbushin këto kritere:

- a) të mos jetë i dënuar me vendim gjyqësor të formës së prerë;
- b) të jetë përfshirë në organizimin apo në zbatimin e aktiviteteve rinore, apo në promovimin e të rinjve;
- c) të mos ketë konflikt interesi për shkak të angazhimit në KVR;

12. Kandidatët për KVR, përfaqësues nga të rinj aktiv të Njesisë Administrative duhet të aplikojnë brenda afatit dhe në adresën e përcaktuar në njoftimin përkatës duke paraqitur dokumentat e mëposhtme:

- a) kërkesë me shkrim;
- b) jetëshkrimin (CV);
- c) fotokopje të dokumenteve që vërtetojnë jetëshkrimin;
- d) vërtetimin e gjendjes gjyqësore ose vetëdeklarimin e saj;
- e) letër interesi/motivimi;
- f) vetëdeklarimin e konfliktit të interesit.

13. KVR mbledhet jo më pak se 4 (katër) herë në vit. Mbledhjet thirren dhe drejtohen nga Kryetari.

14. Veprimtaria e KVR mbështetet nga sekretari teknik, që është një punonjës i bashkisë i ngarkuar nga kryetari me këtë detyrë.

15. Sekretari teknik njofton anëtarët e KVR jo më vonë se 7 ditë përpara për datën dhe orën e takimit si dhe rendin e ditës. Sekretari teknik mban minutat e takimit dhe çdo komunikim tjetër që lidhet me veprimtarinë e KVR.

16. Mbledhjet e KVR zhvillohen kur janë të pranishëm të paktën 3 anëtarë. Nëse nuk paraqiten në mbledhje numri minimal i anëtarëve pjesëmarrës, takimi shtyhet për një datë të mëvonshme.

Konceptoi : N.Pelivani

Miratoi: E. Shehu